

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-4305/20
Sarajevo, 03.4.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Hitne intervencije na komunalnim instalacijama kao mjera prevencije od šteta prouzrokovanih neriješenom oborinskom kanalizacijom

I

Prihvata se preporuka Komisije za javnu nabavku radova i ugovor za javnu nabavku u predmetu – Hitne intervencije na komunalnim instalacijama kao mjera prevencije od šteta prouzrokovanih neriješenom oborinskom kanalizacijom, broj obavještenja 422-1-3-35-3-32/20, objavljeno na Portalu javnih nabavki dana 28.2.2020. godine, dodjeljuje se ponuđaču konzorcij „Manjo“ d.o.o. Sarajevo i „Bosman“ d.o.o. Sarajevo, sa ponuđenom cijenom za ugovor u iznosu od 130.894,79 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač – konzorcij iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač iz člana I ove Odluke dostavio dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost.

Obrazloženje

Odlukom broj 02/12-19-4305/20 od 25.02.2020. godine Općina Novi Grad Sarajevo pokrenula je otvoreni postupak javne nabavke – Hitne intervencije na komunalnim instalacijama kao mjera prevencije od šteta prouzrokovanih neriješenom oborinskom kanalizacijom, broj obavještenja 422-1-3-35-3-32/20 objavljeno na Portalu javnih nabavki dana 28.02.2020. godine.

Zapisnikom o otvaranju ponuda od 24.3.2020. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1. konzorcij „Manjo“ d.o.o. Sarajevo i „Bosman“ d.o.o. Sarajevo i 2. konzorcij „Hydra“ d.o.o. Sarajevo i „Sela“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača „Hydra“ d.o.o. Sarajevo i „Sela“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.2.1. odnosno za dokaz o ispunjavanju člana 46. Zakona, član grupe ponuđača „Sela“ d.o.o. Sarajevo nije dostavio original ili ovjerenu kopiju izvoda iz Registra, nadalje grupa ponuđača nije dostavila dokaze o ispunjavanju uslove iz tačke 3.4.1. (b) i (d) tehnička i profesionalna sposobnost, jer je utvrđeno da dostavljeni dokazi grupe ponuđača nisu original ili ovjerena kopija.

Iz naprijed navedenih razloga utvrđeno je da grupa ponuđača „Hydra“ d.o.o. Sarajevo i „Sela“ d.o.o. Sarajevo ne ispunjava uslove tražene u tenderskoj dokumentaciji iz tačke 3.2.1. i 3.4.1. tenderske dokumentacije, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostalu ponudu grupe ponuđača „Manjo“ d.o.o. Sarajevo i „Bosman“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponude i utvrdila računsku grešku. Ponuđač je dostavio saglasnost na ispravku računске greške broj 40-20 od 30.3.2020. godine.

Komisija je nadalje utvrdila da je predmetna ponuda grupe ponuđača „Manjo“ d.o.o. Sarajevo i „Bosman“ d.o.o. Sarajevo u iznosu od 894,79 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 130.000,00 KM sa PDV-om). Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-sl/2020 DŽK od 01.4.2020. godine Služba za finansije je dala saglasnost na traženi dodatni iznos od 894,79 KM, te je na osnovu te saglasnosti Komisija nastavila sa procedurom javne nabavke i dala preporuku da se donese odluka o dodjeli ugovora za predmetne radove grupi ponuđača „Manjo“ d.o.o. Sarajevo i „Bosman“ d.o.o. Sarajevo

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić